

partibus acceptare per hominum penuriam licuisset ; nunc Augustissimo Ferdinando II , Introductori nostræ Religionis gloriosissimo , debitum gratitudinis vectigal pendendum est ;

Eucharisticon,

*Augustissimo Inviectissimo Rom. Imp. Cæs.
Ferdinando II. Pio , Felici , Victori , AA. ob
consignatam Augustinianæ Discalceatæ Congregationi
Basilicam Cæsaream Aulicam.*

Ferdinando Aug. Cæs. Pio Fel.

Nomine , re , Domui Sux , nostræque Secundo
Augustiniana reformata Religio ,
Reformatus ad avitam fidem Orbis , Optimo Reformatori
gratabundi applaudant.

Is

Carolô II. Archid. Austr. Duce Burgundiæ , Styriæ , Carinthiæ , &c. &c.

MDLXXVIII. IX. Julii

Inter alpes , montesque Græcii natus

Ut , vel lapides , triumphalibus arcibus
olim merito struendis haberet ,

Vel animi Symbolum sui , cedere nescii , reperiret ,
Cum omne ventorum regnum

* Britannico , * Balthico , * Batavo maribus excitum
Imperio incumbebat ;

Inter saxa gelû rigida adolevit

Ut illi asvesceret hyemi ,

Quam subditorum cordibus sublaturus , aut Septemtrio
illaturus erat ;

Mox eo Principe in pœnitentes , vel lamentabiles aquas
solvendæ.

Ferrea correcturus tempora ,

Ferri feracem Styriam incoluit

Ferream quondam ætatem ferrea fortitudine evicturus
Virtute auream facturus.

Geminis his cardinibus volvi voluit fortunam suam ,

**Britannia, Svecia
Batavia à
partibus
Frid. Pal.
Retit.

Ponderibus Virtutis libratam,
Gravitate, eorum quæ ferenda sumpsit,
Solidatam.

Et erat tali Rectore opus
Cum gemini orbis cardines; Pax, & Fides
Tantum non convulsi essent,
Hinc bono omine

* Anno M
DCXIX.

* Die 28.
Aug.

Augustus Augusto mense dictus est *
Augmentum Pacis, ac Religionis allaturus
Die Augustino Patri sacra * Imperator salutatus
Prælagium fecit;

* Praga in
vernac. id-
iom limen.

Discalceatæ Ejus Soboli
Vestigiis jam in limine * fixis
Ad ipsa Imperatoriæ Basilicæ adyta ingressum
Ejus auspiciis concessum iri.
Ità Princeps factus, regnandi ab eo sumpsit
Principium, qui sinè principio est
Sanctuarii lapides fundamenta, aras Regnorum bases fecit,
Religione subditos religavit

Non nescius;
Frustra quæri à Principibus juratam fidem,
Quam superi non servatam queruntur.
Nunquam pejor Germaniæ status fuit,
Si stetisse dicas casui proximam,
Arbitraria fides, Religio ludibrium
Nisi quòd feriis rebus
Defectioni, rapinis, bello, insons causa prætexeretur,
Vidisses fidei non aliàs curios
Quàm ut haberent, quò perfidiam velarent;
Lege calcata, sinè Rege esse libuit,
Vel sub tali

* Frid. Pa-
lat. vulgò:
der Winter
König.

Qui scelerum tutor, non vindex esset
Glaciei novus Rex impositus *
Ut non mirere; novo vere diffluxisse imperium
Sola impietate constrictum.
Ad album ergo montem confligitur
Ferro candidi lapilli deciduntur
Signandæ æternis fastis victrici diei,

San-

Sanguine candor saxorum inficitur,
 Docturo perfidos erubescere, docturus hostes pallere.
 Obstructam ad Thronum viam
 Alter Hannibal aceti, atque ignis vice, inimico cruore
 Aperuit.

Cruce, quam Exercitui præferri voluit,
 Velut trabali clavo, volubilem fortunam fixit;
 Crucifixo Imperatore securus Victoriæ
 Ab eo

Et tesseram, & Pæan victoriosum audiit:
Ferdinande! non te deseram.

O bellum sinè antiphrasi bellissimum!

Ut victo talis esset Parca

Capiti malè metuens, pedibus debuit,
 Asscuta est tamen pede pœna claudo.
 Sed non uno hoc, hostis, periculo,
 Periculum fortitudinis ejus factum est

Omnium amorem meritis, plurimorū odiis exagitabatur,
 Ut plures essent, quibus vel parceret, vel quos vinceret;
 Britannia certè, Batavia, Dania, Svecia, Gallia, Hete-
 rodoxi Germaniæ Principes

Discordibus cæterà animis, eversuri Ferdinandum, con-
 cordabant,

Vicit tamen, minor manu, causâ melior
 Durlachium ad Wimpeniū, Brunsvicensē ad Höchstam
 Danum ad Lutram, Svecum ad Lüzenam,

* O profuturus sic semper noceat livor!

Manubias testes Victoriæ

Annulum signatorium Gustavi cæsi manibus detraxit

Et lauro * Virgineæ * appendit;

Ut suas has domi celebraret Victorias,
 Festivus ignes, libros hæreticorum, accendit,

Tartaro natos ad natales flammās remisit,

Tenebrionum somnia sororiis tenebris transcripsit,

Plus quàm fumosis Atavorum imaginibus

Hoc fumô clarus,

Ità qui fumum olim mundo obtrusere *

Fumô mulctati sunt.

* vitalmp.
 Ferd. II. id.
 Germ. Vi-
 ennae edita

* Emman.
 Thesaur.

* Mos. Ro-
 man. tro-
 phæa ad
 arbores e-
 rigere Lips.
 * Annulum
 B. V. Lau-
 retanae Vi-
 ennae Do-
 num ded.
 * Traj. Im-
 postorē
 fumô suf-
 focari ius-
 sit, & per
 præconē
 clamari:

sumum
vendidit ,
fumò pe-
riit.

Hic ille est fidei Zelator Maximus ,
Religionis tutelarum Angelus ,

Qui

Christum Europæ , Europam Christo asseruit

Qui

* Ferunt
ultra cen-
tena homi-
num mil-
lia Ferd. II.
solicitudi-
ne conver-
to.

Plurima DEO struxit inanima , centies mille * animata
templa Redemptori reconciliavit,
Immensos inde labores exhaustit,
Nunquam animò exhaustò,

* Ferdin.
comunis
Sermo: da-
turum se-
vitam Reg-
na , coro-
nas , & so-
lo scipione
nixum pre-
cario elec-
mosynam
rogare ,
quàm vel
minimum
Religioni
adversum
admittere.
Lamorm:
in vita.

Si sudores non sufficerent , suffecturus & Sanguinem,*
Raram sic posteris Principibus felicitatem reliquit,
Ut quos malos ille repererat subditos
Bonos factos illi haberent.

Vindicatam superis Germaniam

Metam votorum suorum vidit ,

Hinc vitæ metam plaudens ingressus est

Hærede Virtutis , & Imperii Ferdinando III. Filio relicto
Annò Chr. M DC XXXVII.

Princeps

Aris quas condidit , quas defendit dignissimus imponi ,
His gratabunda advolvere ,

Eremitana Discalceata Religio :

Per Eum non una Civitate donata ,

Sciat meritissimò testimoniò mundus :

Illi primas sedes , illi Colonias omnes à nobis deberi

Nec adhuc in comperto esse :

Patronumne Clementissimum , an Patrem Dulcissimum
appellemus ?

Eadem certè secum Domo

Ceu Domesticos , ceu Filios complexus ,

Tenerrimè ultra quàm Pater ,

Fovit , & favit.



Sacel-